

Autoridad a sorprende tur hende cu Joran riba beach

ORANJESTAD (AAN): Prueba cu e investigacion rond di e desaparicion di Natalee Holloway ta sigui, por a mira Diadomingo mainta riba e beach rond di e area conoci como Fisherman's Hut.

Sin previo aviso, y e biaha aki sin haci uso di e baricadanan di DOW, y demas autoridad pa cera trafico, algun oficial di Recherche hunto cu Oficialnan Halto, a yega den e area y hunto cu nan, e sospechoso Joran van der Sloot. E tabata bisti cu un jeans, cu un shirt di manga largo, y boei rond di su mannan.

E tabata muestra di ta duna indicacion, con el a actua y cana den e madrugada di Dialuna 30 di Mei 2005. Esey ta e madrugada cu pa ultimo biaha a mira Natalee.

Aunke tabatin oficialnan cu arma den nan poder ta canando den e area, tog tabata riparable cu Joran a cana hopi 'liber' segun su deseo. El a muestra un area banda di e hut di piscadornan, y aki riba beach a para ta duna indicacion den direccion di Marriott Aruba Resort.

Aki dado momento, tabata parece cu e hoben a hasta 'conecta' cu e turistanan canando riba beach den Bikini.

Fuera di esey, por a mira e investigadornan ta cana cu Joran tambe riba e caminda di asfalt, cu antes tabata forma parti di Boulevard. Personal di Departamento Tecnico tabata saca potret di tur esaki.

A describi e canamento breve aki na beach, como un "spot verification". Esaki posiblemente ta pa check si acaso e declaracionnan cu Joran a haci anteriormente, ta cuadra cu loke el a presenta na autoridad riba Diadomingo mainta. Un otro fuente a mostra, cu probablemente esaki ta a base di e 'version' nobo cu Joran lo a presenta. Autoridad local no kier a confirma ni desmenti esaki.

Despues di esaki, e rumannan Kalpoe tambe a worde hiba pa e area. Di e forma aki, e investigadornan kier check si e storianan ta cuadra.

AVIONNAN DI F-16



E avionnan F-16 cu Koninklijke Luchtmacht a manda pa Aruba, ta yega awe Dialuna na Aeropuerto di Hato na Curaçao, despues di nan vuelonan transatlantico.

Aki e pilotonan lo descansa dos biaha 24 ora, pa asina Diaranzon e trabao di buskeda cuminsa.

E avionnan aki ta specialmente equipa cu aparatonan sensitivo y costoso di heat-seeking imagery, tambe equipo di FLIR, y tambe equipo sofisticado di sonar.

E equiponan aki cu nan costo so, ta demostra di con un avion di F-16 ta costa miyones pa produci.

Riba peticion di Ministro di Husticia di Aruba, e avionnan aki a worde poni disponible pa yuda den e buskeda di Natalee Holloway, e estudiante di 18 aña di



Alabama kende tin ya mas di 1 luna perdi riba e isla.

Mientras tanto, via di CNN, e famia di Natalee a laga sa cu si acaso awe den voorleiding, cu e 3

hobennan sospechoso worde como famia lo bay divulga libera... anto e ora nan mes "tur cos" cu nan sa.